

## Katanoata

---

Bongin Namwakaina: Meei 11, 2018

Nakoia: Mataniwi ni Kabuta; Beretitentii ni Bootaki ni Kabuta; Itingaun n te Aono;Titeiki, Miton, ao Beretitenti ni Mwakoro; Bitiobi ao Beretitenti ni Mwaanga; Beretitentii n te Kooram n Unimwaane; ao Bootaki n Aine n Titeiki ao Uoote, Beretitentii n te Bootaki n Ataeinimwaane, ao n Ataeinnaine

Man: Aobitin te Utu ao te Nakoanibonga (801-240-2134)

Boto ni iango: Raon Titiraki aika aki toki n Okioki iaon Mwakuri n Ibuobuoki ma te kooram n te nakoanibonga ae te Merekitereka ae korakora ao te Bootaki n Aine

ANA EKARETIA  
**IESU KRISTO**  
IBUKIIA AIKA ITIAKI  
NI BOONG AIKA KAITIRA

---

N raonaki ma te reta nakon te Moan Beretitentii “Mwakuri n Ibuobuoki ma te Kooram n te Nakoanibonga ae te Merekitereka ae Korakora ao te Bootaki n Aine,” are e bonginaki n Eberi 2, 2018, e kairaki ma mwaitin titiraki ao kaekaaia ni buoka karaoan taian bitaki ake a katanoataaki n te maungatabu ni kabuta n Eberi 2018.

Kaeka nakon raon titiraki a kairaki ma te katanoata aei. Titiraki ao kaeka aikai a tia naba ni karinaki nakon ana iteraniba titiraki aika aki toki n okioki n [ministering.lds.org](http://ministering.lds.org).

# Te Mwakuri n ibuobuoki ma te Kooram n te Nakoanibonga ae te Merekitereka ae Korakora ao te Bootaki n Aine

ANA EKARETIA  
IESU KRISTO  
IBUKIIA AIKA ITIAKI  
NI BOONG AIKA KAITIRA

Raon Titiraki aika aki toki n Okioki Meei 11, 2018

---

## Kooram ao Bootaki n Aine

### 1. Iai kakorakoraan tibwangan te bitiobi ao kauntiran te uote ngkai e karaoaki te mwakuri are e katabeaki iai te kooram n unimwaane ao te Bootaki n Aine?

Eng. Te bitiobi bon te ibonga ae rietata are tararua ao e “katauraoi kairiiri ao reirei nakoia mataniwi ake tabeman n te uote” (*Aenboki 1*, 2.1.1). E rinanon ao e anga te kariaia ibukin karaoan mwakuri n ibuobuoki. Iaan ana kairiiri te bitiobi, te kauntira n te uote e na reitinako ni karaoi tibwangan aika a kakaawaki ni “buokiia aomata nako ni karikirakei aia koaua, karekei otenanti ni kamaiu, kawakin berita, ao n riki bwa taan iriira Iesu Kristo aika katabuaki” (*Aeniboki 2*, 4.4). Unimwaane n te kooram ao te Bootaki n aine aika korakora—ake a rabwaanaki iroun aia beretitenti, aika kain te kauntira n te uote—a na karikirakea nakoraoin te kauntira anne.

### 2. Te kooram raa ae a riai ni kaainna kain te tembora, mition, ao beretitentii n aia tienta ni kataneiai mitinare?

Taari aikai bon kain te kooram n unimwaane n aia uote.

### 3. Inanon te titeiki, ibonga aika rietata aika a beku n te beretitentii ni mwaanga a riki bwa membwa n te kooram n nakoanibonga ae rietata?

A aki. Ibonga aika rietata aika a beku n te beretitentii n te mwaanga bon tiaki kain te kooram n ibonga ae rietata. Kain te kooram n ibonga aika rietata bon tii naake a weteaki n ana beretitentii te titeiki, n te bitioburiki, ni kauntira aika rietata, ao tamanuea aika mwakuri are a kainnanoaki bwa ana riki bwa ibonga aika rietata.

### 4. Unimwaane ake a beku n te bitioburiki (n te katoto, n aia titeiki kairake ake a tuai n iein) kain te kooram n ibonga aika rietata?

A aki. Unimwaane ake a beku n te bitioburiki bon tiaki kain te kooram n ibonga ae rietata.

### 5. A riai beretitentii n aia kooram unimwaane ni kawariia ke ni intawiu ma kain te kooram teuana te tai n te ririki (taraa *Aeniboki 2*, 7.3.2)—n raonaki ma karaoan intawiu ni mwakuri n ibuobuoki ni katoa kuata?

Eng. Ni mwakoron tibwangaia ni kabane, beretitentii n te kooram n unimwaane a riai n intawiu ma kain te kooram ni kaineti ma tibwangan te nakoanibonga ni kabane—n ikotaki ma marurungia naake iai irouia te nakoanibonga, buuna ao ana utu—teuana n te ririki mai inano. Intawiu aikai a kona ni karaoaki rinanon te ririki. Te maroro aei e riai n aki ikotaki ma te intawiu n ibuobuoki are iai toana are e raonna iai.

**6. Antai ae e kona ni buoka te kooram n unimwaane ao te Bootaki n Aine ni katiaan te mwakuri ni kamaiu?**

Beretitentii n te kooram n unimwaane ao te Bootaki n aine a kona ni baireia membwa bwa a na ibuobuoki ni katiaan te mwakuri ngkana e kainnanaoaki. Te katoto, a kona ni weteia membwa bwa a na kaira ao ni buoka te mwakuri n aron te ibuobuoki, tembora ao rongorongon te utu, n tibwa te euangkerio ao te warebea.

**7. E kona te uoote ni karekea ae iaon riki teuana aia kooram unimwaane ke te Bootaki n Aine?**

Eng. N kaineti ma Reirei ao Berita aika Tabu 107:89, ngkana te uoote iai ana mwaiti ae aki rereke ae korakora iai mwaitiia Nakoanibonga n te Merakitereka, mataniwi a kona ni katea aia kooram unimwaane ae raka iaon teuana. Ngkana e riki aei, kooram nako a riai ni baeranti n taraan te ririki, taneiai, ao nako a te nakoanibonga ao te korakora. Reirei naba akanne a kaineti nakon te Bootaki n Aine.

## **Mwakuri n Ibuobuoki**

**8. E kanga te mwakuri n ibuobuoki ni kabonganaaki nakoia kain te kooram n te nakoanibonga ae rietata?**

Iaan ana kairiiri aia bitiobi, te tia tararua irouia ibonga aika rietata n te uoote, membwa n te kooram irouia ibonga aika rietata ao aia utu iai taan ibuobuoki ake a katabeaki nakoia aika taari ao titita n ibuobuoki n aia kooram unimwaane ao te Bootaki n Aine.

Ibukina bwa beretitentii n te titeiki ao bitioburiki a katabeaki ibukiia kain te titeiki ke te uoote, taari aikai aki katabeaki bwa taari n ibuobuoki nakoia aomata n tatabemaniia ke utu. Kauntira aika rietata ao tamanuea aika mwakuri a kona ni katabeaki, ni boboto iaon tein te aono, n aron are e taraaki iroun te beretitenti n te titeiki. Ngkana a katabeaki, e na karaoaki iroun aia beretitenti n te kooram n unimwaane iaan ana kairii te bitiobi n aia uoote.

N raonaki ma tibwanga aika a kakaawaki riki tabeua n aron te ibonga ae rietata n tararua ao te tia moti ae ataaki i Iteraera, bitiobi iai tabeua ae onoti, n raonaki ma aia kauntira, n tararuaia te roronrikirake. Reirei ao Berita aika Tabu 107:15 reads, “Te bitioburiki bon te beretitentii n [te Aaron] te nakoanibonga aei, ao e tau kiingin ke kariaia ma iai.” *Aeniboki 1, 2.2*, e kaotaki bwa, “Membwa n te bitioburiki a tararua ao a karikirakeia kairake n ataenimwaane ao ataeinnaine n te uoote.”

N ai arona naba, te beretitenti n te titeiki, ngkai te Ibonga ae Rietata n Tararua n te titeiki, kanga “aia moan tia kairiiri n te tamnei n te titeiki” (*Aeniboki 1, 1.1.1*) ao “n tararua iaon te mwakuri ni kamaiu” (*Aeniboki 1, 1.1.2*).

**9. A kona te beretitenti n aia kooram unimwaane ao Bootaki n Aine ni weteia riki kauntira n ibuobuoki n te mwakuri n ibuobuoki?**

A aki. Te beretitenti iai uoman ana kauntira. Ngkana mataniwi a kunea bwa e kainnanaoaki riki te ibuobuoki, a kona ni maroro ma aia bitiobi ibukin wetean temanna ke e mwaiti riki taan koroboki n te mwakuri n ibuobuoki. Taan koroboki ni mwakuri n ibuobuoki a kona ni katabeaki, te katoto, ni bwairei taai n intawiu iaon mwakuri n ibuobuoki ao ni ibuobuoki ni katauraoi ribooti ni katoa kuata ao ribooti iaon te intawiu.

**10. Tera taben te kouoteneita n te mwakuri n ibuobuoki ao te tiubwawaitia?**

Te wewete ibukiiia kouoteneita n te mwakuri n ibuobuoki ao te tibwawaitia n te mwakuri n ibuobuoki e a tia ni katokaki. Naake a tia ni weteaki nakon nakoa aikai a riai ni kamotirawaaki.

**11. Antai ae karaoi intawiu ni mwakuri n ibuobuoki?**

Membwa n tatabemaniia nako n te beretitenti ni kooram n unimwaane ao te Bootaki n Aine a karaoi intawiu ni mwakuri n ibuobuoki. N te uote ae bubura, mataniwi a na kunea bwa intawiu a kona ni baireaki ngkana a karaoaki tabeua ni katoa wiiki irouia kain te beretitenti. Intawiu n te mwakuri n ibuobuoki aki riai n abwabwaki n te aro bwa a na nakoraai.

**12. Nningai inanon te kuata ae a karaoi iai intawiu iaon mwakuri n ibuobuoki mataniwi?**

Intawiu ni mwakuri n ibuobuoki a kona ao a riai ni karaoaki *rinanon nako* kuata—ao n aki tauaki ibukin te kabanea ni wiiki ke n te kabanea n namwakaina n te kuata. Ngkai a karaoi intawiu ni katoa tai mataniwi, a na kunea bwa a kona ni katia te kantaninga n te mwakuri n ibuobuoki n te maiu n tamnei ao n rabwata.

## **Kairakiia Kairake n te Mwakuri n Ibuobuoki**

**13. A kona kairake n ataeinimwane ao n ataeinnaine ni katabeaki bwa a na ibuobuoki ni katoaaki ma te ikawai?**

Eng. Te kainibaire n te beebwa ae e a tibwa otinako “Preventing and Responding to Abuse” (Totokoan ao Arom ae Kona Karaoia nakon te Bwainikiriinaki) e kariaia ibukin te mwakuri n ibuobuoki n katoaaki te roronrikirake are e katabeaki bwa e na raonaki iroun te ikawai. “Mwakuri n ibuobuoki” e aki kanaanonaaki bwa te “waaki ni kakukurei” ke “kiraati,” n aron are e taekinaki ni kainibaire akanne.

Taan kairiiri a riai ni kabonganai motikitaeka aika kairaki n te tamnei ngkana a anganaki toaia te kairake bwa e na raonii n te mwakuri n ibuobuoki. Taan katoatoa aika a ikawai a riai n totokoi aro ake a kona n aki rang ni matata. A riai ni karaoa te tararua ni kaineti ma ae tionako n temanna iaon temanna bwa e aonga te kairake ni karekea te kaniwanga ae mano ni karaoan te mwakuri n ibuobuoki. N raonaki ma anne, e a riai ni kabonganaaki te iango raoi n aki mwiokoa te kairake nakon taian mweenga ake a kanganga ke n aroaro n te utu.

**14. A riai ni kabane Maea Mwaite ao Raurere n anganaki tibwangaia n te mwakuri n ibuobuoki?**

Maea Mwaite ao Raurere a kona ni kaoaki nakon te ibuobuoki. Kaaro ao mataniwi a reireiniia ataeinnaine, ao ngkana arona bwa a konabwai ma ni kona ni karaoia ao n ingainga ni beku, e kona n anganaki tibwanga n te mwakuri n ibuobuoki. Ataeinnaine aika a beku a na toa ma titita n te Bootaki n Aine.

**15. Antai ae karaoa te reitaki n anganakiia te roronrikirake te mwakuri n ibuobuoki?**

Man ana kariaia te bitiobi, kain te beretitentii n te Bootaki n Aine e kanakoa te tibwanga n te mwakuri n ibuobuoki nakoia Maea Mwaite ao Raurere. Ao, n raonaki ma ana kariaia te bitiobi, kain te beretitentii n aia kooram unimwaane a kanakoa te tibwanga nakoia tia reirei ao ibonga.